

澚墅關志卷之二十

督理澚墅鈔關禮部祠祭清吏司主事陳常夏鑒定

蘇州府吳縣學纂修郡縣志廩膳生員孫珮纂輯

古蹟附勝景  
古墓

澚去餘杭僅數里古蹟最多而勝景古墓亦難悉數取共

特著者附之

龍湫在龍母塚前方竟二尺深亦如  
之澄渟鏡淨點茶齒頰甘香

龍井在長雲之根深三丈貼水  
有門如梁斜入莫測底止

丹井傳澄照即丁令威宅丹  
井尚存規則正如龍湫

高啓咏丁令威宅

澚墅關志 卷二十

令威作仙天上去舊宅留在青山阿千年宅廢但遺井何

處更聞華表歌南陌黃塵足去客東流碧海絕迴波鶴歸

重覽應惆悵地上丘墳今又多

晉柏在龍祠香臺大數圍黛色參天龍歸省母  
從柏上下故其本滑澤如洗不生莓苔

顧元慶咏晉柏

龍母昔葬處相傳此崇墉龍來白日晦龍去青山空異代

碑橫草瀟湘雲滿宮宮前獨古柏柯幹如青銅

日月合朔歲橘陽前一日為晦寅寅時並麗爭光至  
漸高則日大而濛月縮而微足稱奇觀

海日鷄初鳴或上箭缺或天風觀音東海紅生日輪湧出圓竟  
千里照耀山中木石皆作金光下界正曉色未辨時佛云

譬如日出先照高山此  
山極高故見日恒先

陳仁錫咏海日

山中清漏徹蓮花翠冷巉岒涇露華杯引滄溟分席近杖  
移星斗過簷斜夢回批率空千界目極扶桑燦五霞一自  
咸池歌浴日天鷄呼醒萬人家

龍冢龍母葬此極為沉邃

范成大咏龍母家

孝龍分職隸湘西天許寧親歲一歸風雹春春損桃李山  
中寒食尚冬衣

夫差墓在甲猶位去陽山十里其女瓊姬墓相近

漢鬱林太守陸績墓在陽抱山西去陽山三里

澣墅關志

卷二十

漢丞相陸烈墓在秦餘杭山

宋滕章敏公元發墓在陽山栗鳴

宋兵部尚書鄭起潛墓在陽山有理宗御書錦峰二字

宋王節愍公倫墓在人石鳴紹熙中葬

宋趙王墓在澣墅鎮義塾後

義塚在二都第十一畝主事高第置

勸葬地在關南北上事馬任遠置

姚希孟勸葬地碑

吳會介江左頗擅聲華凡衣冠物采吉凶賔嘉之制遠近  
則而象之獨一事為海內所訕笑上大夫語及者使余輩

汗浹不知所對則燔屍是也此風不知起何時其在今日大約以賦重地踊貴且陵阜間堂斧相望土人持價不輕售貧窶細民內苦于窳窳之費而外所習見皆是也遂委父母于烈炬恬不知恥尤可笑者陳棺而出畫船載酒簫鼓鼎沸所費不下數金一弓之地卽此可辦而蚩蚩顛倒循爲故事又有不葬不燬舉而頓之殘刹古廟或斷煙荒楚中霜雪摧剝淋漓沁入卒至于木飽蠹腐骨飽螻蛄而後已嗟乎我有身而父母妊之育之懷之膝之飢則哺寒則襲之父母有身而煨之燼之叢穴而羣啜清夜良心已矣我送親後之子孫亦以送我長眠不起游魂未斷迴問

此趣何如也馬公以榷關來臨茲土聞其風而悲之乃捐俸緡置義塚有不克葬者使扶柩車以來曰吾爲而窆母燔而親猶自燔也又恐有狃于俗見不恥燔而恥義塚者於左右市隙地數區使貧不能擇壤者各就其所人自窆焉曰吾予爾父母以安并予爾以名手一抔封之樹之以愜爾懷母以叢塚故爲他人抑掄也旣以此垂後復走書希孟使爲之記以暢厥旨希孟乃諗于衆曰我與若皆人子也爲人子不能厝共親致仁人長者爲躊躇焉規度焉以代厥子謀厥子猶逡巡弗應也何心乎燔屍之際熏灼腥穢白骨林林風雨之夜人立而啼淒其愁苦之聲上通

於天大可懼也吾欲勸愚氓移其畫船簫鼓之費置地一  
弓以安遺魄而猶謂艱于地也今有地矣畫船簫鼓者自  
若而遺魄安更何用逡巡爲夫死之有叢塚也猶生之有  
給孤也貧兒不能養父母或收而贍之孤獨園中貧兒反  
爲詬病此于情亦有之今公又爲之置地聽自葬焉黃壚  
白堊殫厥誠信歲時瞻拜各爲兆域又何詬病之有爲此  
者其仁愈著其澤愈深而俯念羣愚者亦愈委悉也已公  
視權一年廉惠聲四馳余方倚廬不及握手敘生平獨心  
重斯舉凡爲人子者當轉相告也援筆而劖諸石以風吳  
氓公名任遠字毅許永平人與余同年進士